



1302


Bosnia and Herzegovina
Federation of Bosnia and Herzegovina

24-06-2025

CANTON SARAJEVO
Ministry of Internal Affairs

Broj: 01-9-02-2-3848/25
Sarajevo, 23.06.2025. godine

SKUPŠTINA KANTONA SARAJEVO
n/r predsjedavajućeg Skupštine



PREDMET: Odgovor na zastupničko pitanje zastupnika Selmanović Faruka, dostavlja se;
VEZA: Vaš akt broj: 01-04-28707-7/25 od 23.05.2025. godine

U skladu sa članom 219. Poslovnika Skupštine Kantona Sarajevo ("Službene novine Kantona Sarajevo"- br. 41/12-Drugi novi prečišćeni tekst, 15/13, 47/13, 47/15, 48/16 i 17/22), dostavljamo Vam odgovor na zastupničko pitanje zastupnika Selmanović Faruka, koje je postavio na 22. radnoj sjednici Skupštine Kantona Sarajevo dana 23.05.2025. godine, a koje je glasilo „Šta znači postavljanje 27 kamera, kako će se kazne pisati, te da li će se kazne pisati ako se vozači zaustave radi primanja putnika.“

Odgovor:

„S ciljem smanjenja prekršaja koji se odnose na nepropisno zaustavljanje i parkiranje motornih vozila na stajalištima javnog prevoza na području Kantona Sarajevo, Uprava policije, Ministarstva unutrašnjih poslova Kantona Sarajevo tokom novembra 2022. godine izradila je Elaborat o sistemu za evidentiranje prekršaja nepropisnog zasutavljanja i parkiranja motornih vozila na stajalištima javnog prevoza čiju je realizaciju odobrila Vlada Kantona Sarajevo. Elaboratom je utvrđena lista od 27 (dvadeset sedam) lokacija na kojima nepropisno zaustavljanje i parkiranje značajno ometa odvijanje saobraćaja. Na tim lokacijama planirano je postavljanje kamera za automotasko evidentiranje prekršaja. Elaborat predviđa mogućnost budućeg proširenja sistema kroz povećanje broja kamera i nadzornih tačaka. Pravni osnov za postavljanje gore navedenih kamera temelji se na članu 9. stav (1) tačka 68. Zakona o osnovama sigurnosti saobraćaja na putevima u BiH kojim je propisano da je stajalište dio površine puta namijenjen za zaustavljanje autobusa, trolejbusa ili tramvaja radi ulaska ili izlaska putnika i koje je obilježeno saobraćajnim znakom, članu 72. stav (1) tačka 10. istog Zakona kojim je propisano da je naročito zabranjeno zaustavljanje i parkiranje vozila na dijelu kolovoza koji je kao stajalište za vozila javnog prevoza obilježen saobraćajnim znakom i oznakama na kolovozu i članu 74. stav (1) tačka 2. kojim je propisano da vozač ne smije parkirati vozilo na razdaljini manjoj od 15 metara ispred i iza znaka kojim je obilježeno stajalište za vozila javnog saobraćaja. Što se tiče tehničke implementacije, kamere će evidentirati prekršaje u realnom vremenu, a nakon obrade podataka, nadležna policijska uprava Uprave policije, Ministarstva unutrašnjih poslova Kantona Sarajevo dostavljaće prekršajne naloge počiniocima prekršaja u skladu sa zakonom.“

S poštovanjem,

Prilog:

1. Akt Uprave policije, Ministarstva unutrašnjih poslova Kantona Sarajevo broj:02/2-2-187/25 od 09.06.2025. godine;
2. CD x1.

Dostaviti:

1. Naslovu;
2. Stručna služba Vlade Kantona Sarajevo;
3. Za objavu na web stranici Ministarstva;
4. a/a.



Adresa: Sarajevo, La Benevolencija 16
Tel: + 387 (0)33 286-701, 286-702,
Fax: + 387 (0)33 226-445

Web: <http://mup.ks.gov.ba>, Email: ministar@mup.ks.gov.ba





11-06-2025
493

Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

HERCEGOVINA
FEDERACIJA BOSNE I HERCEGOVINE
KANTON SARAJEVO
MINISTARSTVO UNUTRAŠNJIH POSLOVA
SARAJEVO

Broj: 02/2-2- 187/25

Datum: 09.06.2025. godine

10-06-2025		
Priloga		
01-9	02-2	3848

MINISTARSTVO UNUTRAŠNJIH POSLOVA
-S e k r e t a r u-

PREDMET: Odgovor na zastupničko pitanje zastupnika u Skupštini Kantona Sarajevo, gospodina Faruka Selmanovića, u vezi s implementacijom sistema za evidentiranje prekršaja nepropisnog zaustavljanja i parkiranja na stajalištima javnog prevoza – dostavlja se

Veza: Vaš akt broj 01-9-02-2-3848/25 od 29.05.2025. godine

Poštovani,

Obavještavamo Vas da je, s ciljem smanjenja broja prekršaja koji se odnose na nepropisno zaustavljanje i parkiranje motornih vozila na stajalištima javnog prevoza na području Kantona Sarajevo, Uprava policije Ministarstva unutrašnjih poslova Kantona Sarajevo tokom novembra 2022. godine izradila **Elaborat o sistemu za evidentiranje prekršaja nepropisnog zaustavljanja i parkiranja** motornih vozila na stajalištima javnog prevoza.

Vlada Kantona Sarajevo je odobrila realizaciju ovog projekta:

- Zaključkom broj: 02-04-24803-31/23 od 01.06.2023. godine,
- Odlukom broj: 02-04-27760-4/23 od 15.06.2023. godine.

Elaboratom je utvrđena lista od **27 (dvadeset sedam)** lokacija na kojima nepropisno zaustavljanje i parkiranje vozila značajno ometa odvijanje saobraćaja. Na tim lokacijama planirano je postavljanje kamera za automatsko evidentiranje prekršaja.

Predloženi sistem obuhvata:

- Nadzor stajališta javnog prevoza,
- Praćenje kretanja vozila u saobraćajnoj traci rezervisanoj za javni prevoz,
- Detekciju ulaska u zonu rezervisanu za vozila javnog prevoza,
- Automatsko prepoznavanje registarskih oznaka,
- Kreiranje baze podataka o vozilima koja se nepropisno zaustavljaju ili kreću u navedenim zonama,

- Integraciju sa postojećim sistemom za obradu prekršaja Ministarstva unutrašnjih poslova Kantona Sarajevo.

Elaborat takođe predviđa mogućnost budućeg proširenja sistema kroz povećanje broja kamera i nadzornih tačaka.

Uvođenje ovog sistema donosi niz prednosti, među kojima izdvajamo:

- Preventivno djelovanje na vozače,
- Ubrzanje protoka saobraćaja, posebno vozila javnog prevoza,
- Objektivno i kontinuirano evidentiranje prekršaja,
- Mogućnost preraspodjele policijskih službenika na druge zadatke,
- Bržu i efikasniju obradu prekršaja,
- Uklanjanje subjektivnog faktora u odlučivanju,
- Nadzor 24 sata dnevno,
- Istovremeno praćenje većeg broja lokacija,
- Ekonomsko-finansijsku opravdanost projekta.

Pravna osnova:


- Članom 9. stav (1) tačka 68. Zakona o osnovama sigurnosti saobraćaja na putevima u BiH propisano je da je stajalište dio površine puta namijenjen za zaustavljanje autobusa, trolejbusa ili tramvaja radi ulaska i izlaska putnika, i koje je obilježeno saobraćajnim znakom.
- Članom 73. stav (1) tačka 10. istog Zakona propisano je da je naročito zabranjeno zaustavljanje i parkiranje vozila na dijelu kolovoza koji je kao stajalište za vozila javnog prevoza obilježen saobraćajnim znakom i oznakama na kolovozu.
- Članom 74. stav (1) tačka 2. propisano je da vozač ne smije parkirati vozilo na razdaljini manjoj od 15 metara ispred i iza znaka kojim je obilježeno stajalište za vozila javnog saobraćaja.

Za prekršaj iz čl. 73. i 74. propisana je novčana kazna u iznosu od **40,00 KM**, dok se u slučaju izazivanja saobraćajne nezgode može izreći kazna u iznosu od **50,00 KM do 200,00 KM**, te **jedan kazneni bod**. Uz to, vozaču može biti izrečena i **zabrana upravljanja motornim vozilom do dva mjeseca**.

Tehnička implementacija:

Kamere će evidentirati prekršaje u realnom vremenu, a nakon obrade podataka, nadležna policijska uprava Uprave policije MUP-a Kantona Sarajevo dostavljaće prekršajne naloge počinocima prekršaja, u skladu sa zakonom.

S poštovanjem,


POLICIJSKI KOMESAR
 Generalni inspektor policije
 Fatima [redacted] rević